

Sebija Izetbegović
Zastupnica u Skupštini Kantona Sarajevo

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo

n/r Kolegija Skupštine Kantona Sarajevo

Uputiti: Ministarstvu saobraćaja KS, Ministarstvu unutrašnjih poslova KS

PREDMET: INICIJATIVA

Poštovani,

Na osnovu člana 213. Poslovnika Skupštine Kantona Sarajevo, upućujem inicijativu Ministarstvu saobraćaja Kantona Sarajevo i Ministarstvu unutrašnjih poslova Kantona Sarajevo radi dostavljanja detaljnih informacija o implementaciji i efektima sistema adaptivnog upravljanja saobraćajem na području Kantona Sarajevo. Cijeneći činjenicu da smo svakodnevno svjedoci ozbiljnih saobraćajnih zagušenja i gotovo potpunog saobraćajnog kolapsa tokom radnih dana, neophodno je utvrditi da li sistem adaptivnog upravljanja saobraćajem ostvaruje svrhu zbog koje je uspostavljen. Molim da se Skupštini Kantona Sarajevo dostave sljedeće informacije:

1. Detaljan izvještaj o funkcionisanju sistema adaptivnog upravljanja saobraćajem, uključujući: da li je sistem u potpunosti operativan, na kojim raskrsnicama je implementiran, da li se vrši kontinuirano praćenje i prilagođavanje saobraćajnih tokova.
2. Analiza efekata sistema, sa konkretnim pokazateljima: da li je došlo do smanjenja vremena čekanja na raskrsnicama, da li je smanjen broj saobraćajnih zastoja, da li su izrađene komparativne analize prije i poslije implementacije sistema.
3. Koliko je zaposlenih lica direktno angažovano na radu, nadzoru i upravljanju sistemom adaptivnog upravljanja saobraćajem, te u kojem radno-pravnom statusu (stalno zaposleni, ugovor o djelu, eksterni saradnici i sl.).
4. Gdje se nalazi centar za nadzor i kontrolu sistema, pod čijom je nadležnošću i da li isti funkcioniše 24 sata dnevno.
5. Kopije svih ugovora zaključenih u protekle tri godine koji se odnose na: održavanje sistema adaptivnog upravljanja saobraćajem, nadogradnju softverskih i hardverskih komponenti, servisiranje i tehničku podršku.
6. Ukupnu vrijednost navedenih ugovora, sa jasno iskazanim iznosima po godinama.

Obrazloženje

Sistem adaptivnog upravljanja saobraćajem uveden je s ciljem modernizacije i unapređenja saobraćajne infrastrukture, optimizacije protoka vozila i smanjenja gužvi. Međutim, svakodnevna situacija na terenu ukazuje na ozbiljne probleme u regulaciji saobraćaja. S obzirom da se radi o sistemu finansiranom javnim sredstvima, Skupština Kantona Sarajevo ima pravo i obavezu izvršiti nadzor nad njegovim funkcionisanjem, efektima i troškovima. Transparentnost i mjerljivi rezultati moraju biti standard, a ne izuzetak. Molim da se po ovoj inicijativi postupi u zakonom predviđenom roku, uz dostavljanje kompletne dokumentacije.

S poštovanjem,

Sebija Izetbegović

